

न दे॒वता॑भ्य॒ आ॒वृ॒क्ष्यते । वसी॑यान् भवति । दे॒वस्य॑
त्वा स॒वितुः॑ प्र॒सव॑ इति र॒शना॑माद॒त्ते प्र॒सृत्यै॑ । अ॒-
श्विनो॑र्बा॒हुभ्या॑मित्याह । अ॒श्विनौ॒ हि दे॒वाना॑मध्व॒र्यु
आस्ता॑म् । पू॒ष्णो ह॒स्ताभ्या॑मित्याह॒ यत्यै॑ । व्यृ॒द्धं वा
एत॑द्य॒ज्ञस्य॑ । यद् य॒जुष्के॑ण क्रि॒यते॑ । इ॒माम॑गृ॒ह्णन् र॒श-
नामृ॒तस्ये॑त्यधि॒वद॑ति॒ यजु॑ष्कृत्यै । य॒ज्ञस्य॑ स॒मृ॒ध्यै ॥ २ ॥

तदा॑हुः । द्वा॒द॒शा॒र॒त्नी र॒शना॑ क॒र्त्तव्या॑३ च॒यो॒द॒शा-
र॒त्नी३रि॑ति । ऋ॒षभो॒ वा ए॒ष ऋ॒तूना॑म् । यत् स॑ंवत्स॒-
रः । तस्य॑ च॒यो॒द॒शो मा॒सो वि॒ष्टप॑म् । ऋ॒षभ ए॒ष
य॒ज्ञाना॑म् । यद् अ॒श्वमे॒धः । यथा॒ वा ऋ॒षभस्य॑ वि॒ष्टप॑म् ।
ए॒वमे॒तस्य॑ वि॒ष्टप॑म् । च॒यो॒द॒शम॑र॒त्निः॑ र॒शना॑यामुपा॒-
द॑धाति ॥ ३ ॥

यथ॑र्ष॒भस्य॑ वि॒ष्टप॑ः स॒स्करो॑ति । ता॒दृगे॒व तत् । पू॒र्व
आयु॑षि वि॒दथे॑षु क॒व्येत्या॑ह । आ॒युरे॒वास्मि॑न्दधाति ।
तया॑ दे॒वाः सु॒तमा॑ ब॒भूवु॑रित्याह । भू॒तिमे॒वोपा॑व॒र्त्तते॑ ।
ऋ॒तस्य॑ सा॒मन्त्स॒रमा॒रप॑न्तीत्याह । स॒त्यं वा ऋ॒तम् ।
स॒त्येनै॒वैन॑मृ॒तेना॑र॒भते॑ । अ॒भि॒धा अ॒सीत्या॑ह ॥ ४ ॥

तस्मा॑द॒श्वमे॒धया॒जी स॒र्वीणि॑ भू॒तान्य॒भिभ॑वति ।
भु॒वन॑म॒सीत्या॑ह । भू॒मान॑मे॒वोपै॑ति । य॒न्तासी॑त्याह ।